


**JASMIN ADEMOVIĆ, predsjedavajući Gradskog vijeća Grada Sarajeva,
u funkciji gradskog vijećnika**

GRADSKO VIJEĆE GRADA SARAJEVA
Predsjedavajući Gradskog vijeća
za Komisiju za izbor i imenovanja



Predmet: Prijedlog za dodjelu nagrade „Sarajevska pahuljica“

U skladu s odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14,31/14,11/20 i 16/22), podnosim

Prijedlog
za dodjelu nagrade „Sarajevska pahuljica“
Adi Korić

koja je u svom malom životu od svega deset godina već napravila tako veliku karijeru na domaćoj i međunarodnoj klizačkoj sceni i postigla značajne uspjehe u kategorijama u kojima se takmičila.

OBRAZLOŽENJE

Ada Korić je rođena u Sarajevu, 08. maja 2013. godine i živi sa svojim roditeljima i starijim bratom na Grbavici.

Umjetničkim klizanjem se počela baviti sa svega 4 godine, kada je na treningu starijeg brata vidjela djevojčice koje su se zagrijavale u haljinicama pored leda u dvorani ZETRA i odlučila da je to ono što želi raditi.

Od je svog izbora tada nije odustala. Uporan i redovan trening u kojem je pristupala s radošću i puno ljubavi, dao je nevjerovatne rezultate u njezinih, svega, 10 godina života.

Tokom proteklih manje od šest godina, nastupila je na pet državnih takmičenja Bosne i Hercegovine u pet različitih starosnih kategorija i svake godine je za svoju kategoriju osvojila prvo mjesto i šampionsku titulu

Prvi međunarodni uspjeh je ostvarila 2021. godine pobijedivši na takmičenju „Skopje on Ice“ u Makedoniji, nakon čega su se nizali i drugi međunarodni uspjesi.

Najbolje rezultate je ostvarila u ovoj takmičarskoj sezoni, gdje je na dosad održanih pet takmičenja osvojila tri medalje (2 brončane i jednu zlatnu) te jedno četvrto mjesto.

Svoj do sada, najveću uspjeh je ostvarila na takmičenju u Budimpešti gdje je u konkurenciji od 49 takmičarki iz cijele Evrope osvojila treće mjesto i brončanu medalju.

Ada vrijedno trenira i do 5 sati svaki dan, sa željom da jednog dana predstavi Bosnu i Hercegovinu na evropskom i svjetskom prvenstvu u umjetničkom klizanju i na olimpijskim igrama.

Odlična je učenica 5. razreda Osnovne škola „Grbavica I“ i najdraži predmet joj je matematika. Uz klizanja, voli da hekla i sluša muziku.

S velikim zadovoljstvom, predlažem ovu divnu djevojčicu i već tako uspješnu klizačicu za dodjelu nagrade „Sarajevska pahuljica”, i nadam se da će joj ova nagrada biti poticaj za dalji rad. Njezin uspjeh je toliko veći kada znamo u kakvim uslovima treniraju naši klizači i koliko imaju ledenih ploha i koliko vremena na raspolaganju, za trening u Sarajevu.

U Sarajevu, 02.01.2024. godine,

Jasmin Ademović, s.r.